

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Historiae ecclesiasticae saeculi ... XVI supplementum

Fecht, Johann

Francofurti et Spirae, 1684

VD17 VD17 3:315948Z

LIIIX.

[urn:nbn:de:bsz:31-122751](#)

LIIX.

S. P. IN DOMINO JESU CHRISTO, qui est heri, hodie, & idem in secula.
Clarissime, chariss. ornatissimeq; Dn. Doctor Philippe Marbach.

Lubenti animo, & prompto calamo, tuam ad humanitatem toties scribo, quoties bella occasio, seu, ut Graci loquuntur *exaudiens* mihi datur. Cum igitur eadem nunc sit commode oblata, per eruditum honestumque juvenem, Johan. Ernestum Frischium, in inclita Acad. Argentorat. Studiosum, nequaquam vel debuit volui committere, ut ille sine meis literis illuc rediret. Cupio enim nostram ali amicitiam, cupio eam durare ad superos, inferosque, ratione animarum corporumque, si fieri possit.

SCRIBAM autem nunc potissimum de tribus, non stylo quidem elaborato aut anxio, sed libero & sua sponte incitato ac currente. De quibus verè rebus?

1. De tuis literis, quas extrema vice ad me dedisti.
2. Nonnulla addam nostris de Ecclesiis, ac novo *Immerito*.
3. Quædam aspergam de Grynæo tuo, &c.

1. De tuis literis postremum ad me datis, si rectè nemini, antea quædam rescripsi. Sed libet ac liceat nunc paucula addere, prius à me tuam ad humanitatem non pericrita. Et liceat id mihi bona tua pace ac venia facere. Literas illas tuas non solum nonnulli, & numero satis multi Pastores, meo permisso, viderunt ac perlegerunt, in nuptiis filiæ cuiusdam Ministri verbi divini, ad quas illi confluxerant, sed etiam illustriss. noster Princeps Georg. Fridericus, March. Bad. factus de iis certior per Archipræsidem Rœtelanum, virum candidum, summum, & verè Lutheranum, legendæ epistola illius tuæ sibi copiam à me dari ipsem petiit, in arce Rœtela, cum imperare potuisset. Eandem perlecam in prandio, clementer curavit mihi restituì per Secretarium, & gratias egit pro exhibitâ. Sed cogitas fortè, aut objicis. Quid facis aut sapis Cherlere? non eum in finem scripsi, ut tu meas literas alii vel ministris Vestris, vel principibus ostenderes, legendasq; dates, verùm ut tute solus solas legendo percurres. Rectè: non nego sic faciendum aliquando & plerunque. Verum enim verò quia epistola illa tua nihil habebat, quod vel mihi, vel meæ, vel tuæ famæ incommodari poterat, apud æquos lectors, imò etiam apud iniquos, & quia aliquid certi continebant de excitato rumusculo Pistorianæ inanis & vanæ disputationis, de qua magna spes erat in animis omnium, magnus & constans sermo in ore plerorumque, idèò ut multi liberarentur inani scrupulo, eas legendas multis praebui: cœtera ego & tu, mi Domine Philippe, & alii, qui eas inspicerunt cum judicio literas, scimus & cogitare possumus. Hac de re satis.

2. Venio ad alterum epistolæ caput, non tuæ, sed meæ, quam nunc scribere intui. Non enim debito, me rem tibi gratam facturum, si aliquid, manens intra oleas, ad te perscripsero de nostro novo Superintendentente, seu, ut rectius loquar, cum

Græ-

Græcis, de nostro ~~monachis~~. Est is Wirtembergicus, Tybingæ natus, educatusque, cui nomen est: Johanni Weinigero, quod in libro Concordia invenies. Illustriss. noster princeps ipsemet præsto fuit, cum cœtui fratrum in arce Rœtelæ Vispiorum, solenni commendatione susteretur: de quo optimè speramus, nec vel suspicari quicquam sinistri licet pio & cordato viro, quia Christiana id charitas vetat, & officii nostri ratio. Tempus omnia revelat. In visitatione abs se instituta, ex voluntate reverendi Magistratus, à quo diplomate instructus publ. fuit, satis acris est, & sedulus enormium excessuum inquisitor & corrector. Hodie à me per Diaconum suum priora acta Synodica petiunt, quæ non recta misi, quod expediat meipsum id facere præmisso colloquio & admonitione.

Quod mihi, chariss. & optatiss. Dn. Philippe, id genus officii detulisti, tuis in literis, in eo agnosco abundantiam amoris erga me tui, cui nimium indulsi. Sed profectò tu hic sis, & ejus officii onera, gravamina, labores, aliosque scrupulos noris, liberè & ingenuè fallirus essem, delirare nec satis sapere eos, qui id sibi officium imponi, vel optant facile, vel apertè petunt ac expetunt. Me quod attinet, agnosco equidem meam tenuitatem, meo que me metior pede, agnosco etiam quædam DEI in me dona, seu dotes animi, quas nec sperno, nec admiror, sed ad DEI gloriam rectè iis uti cogito, & ad salutem multorum ac meam ipsius. Interea tamen non ita sum obtutus aut demens, ut vel mihi arrogem ~~et monachis~~ charismata, vel ut alteri, ea habenti, invideam. (DEUM cito testem, me ex aramo sine illa fraude ac fuso loqui) alteri cedo libenter, cuius in humeros tanta negotiorum imponitur moles. Et præcor, ut is tanto par sit oneri. Gaudeo etiam, mihi parcí non satis instructo aut idoneo, in hac mea ingravescente ærate. Recordor ego VII. Superintendentium Rœtelanorum: sed dispar eorum fuit status & fortuna: recordor etiam circiter XVII. aut XVIII. Diaconorum, qui nunc intra 34. annos ibidem haserunt, & aliquandiu docuerunt; ego in mea Pincemia semper, nescio quo fato, substiti, considerans multa, quæ alibi occurserunt, violenta: nullum autem violentum physicè diuturnum: Libenter etiam adhuc ibidem immoror & immorior, si DEO ita visum erit; sed satis etiam hac de re.

3. De postremo, cuius supra memini, per pauca addam. Dn. Do. Grynæus tuus in Disput. Heidelberg. (at acta edita publicè loquuntur) acerrimus Antagonista, Basileæ singulari fate, prætoriam & prope regiam in Ecclesia & Academia, ut mihi videtur, obtinet auctoritatem. Egregius profectò Protheus vel Chamæleon, sed bonâ ipsius pace veniaque dixerim. Disputat quicquid vult, mera videlicet loquitur oracula. Et certè habet multos Arrisores, Arrosores nullos, hoc est, tales, qui illi vel tardum resistant, vel resistere audeant. Ego in disputatione publ. crabronem aliquando irritavi, opinor, ante decennium. Bone DEUS, quid malorum in suis litigis in aulam de me, & ad vicinum Magistratum scriptis, non evomuit? Sed frustrè.

Qua de re utinam coram possem aliquando tecum confabulari, quod hactenus.

non

non licuit, fortasse licebit ante utrinsq; nostri obitum, tandem aliquando. Eram paratus ad meam defensionem, sed Magistratus Reverendus me non sollicitandum existimavit, & totum factum Grynai qualiter dissimulavit, dicendo, illos recte facere, qui quod in corde sentiunt, ore publicè profitentur, &c. Habet Grynæus hoc tempore imprimis unum Arisorem, Doctorem S. Theologiae, nomine Amandum Polanum à Polnsdorff, gente Moravum: hominem acutum, & multa expertum, qui non ita pridem duos libros edidit, Herbornæ impressos, in quibus Pet. Ramum imitatus, Logicam explicat, cumulatis exemplis. Bone & charæ DEUS, quam audacter, sine fronte, quam scabiosè sine pudore, loquitur nominatim de Brentio, Jacobo Andrea, Selneccero, & de aliis, quos sibi ipsem est fingit, Ubiquitariis. Hac enim voce opinor plus centies utitur, & in ipsis amarulentè intonat. Utinam oriatur aliquis ultor idoneus. Operæ precium facturus eras, mi Dn. Philippe, meo quidem judicio, si brevi scripto responderes, ne vel sibi soli saperet: vel tot adolescentes corrumperet. Huius ipsis metu Doctori Logico & Moravo, ante octiduum suam despontit filiam gibbosam Grynæus, cui in arrham dicitur dedisse 40. ducatos. Successit idem Logicus Doctor Dn. Doct. Brandmüller in profess. Theolog. Nam Grynæus illustr. Bas. Senatu & imprimis persuasit, ut consentirent. Inconsultis, ut audio, proceribus Academicis, vel ita Consultis, ut prescriberent & imperarent, non consilium rogarent, qui rem iudicarunt. Vadit igitur res, ut vadit, sicut in Grynæi ipsius electione factum. Sed hæc abrumpo, & ad finem festino; charta enim propè hoc etiam in alterius filii latere primo, expleta est mea loquacitate. Nuptiaz brevi, celebrabuntur: puto nec ego nec tu invitabimur, & id ut fiat, neuter nostrum optat.

Hæc ferè sunt, quæ hoc tempore, currente calamo tuam ad pietatem perficiere volui, mi Dn. Doctor Philippe, veterum meorum amicorum decus & ornamentum. Cupio autem, ut per occasionem, næctus otium, rescribas. Nam tua me literæ mirificè recreant, oblectantque. D. Do. Pappo, quem scio nuper Lindavii de me quæsivisse pauca, & Dn. Lipticio, Dn. Schallero itidem meis verbis salutem annuncias, si tibi non est grave. Commendo te, reliquosque tuos & meos Amicos, & omnes Argentinenses bonos ac pios viros divinæ providentiae. Scripti Pinccmia, à matutina concione habita. 14. Septemb. 1596.

T. Reverentie & Dign.

observantiss. & studiiss.

M. Paulus Cherlerus, Reverendus
Synodi Rœtelanae ab epistolis & Sc.
cretis.

LIX.